

GPS abò dze të jes?

TÓMK FÓPKA

Global Positioning System. Że co?! Nė, dzi-pi-es to znaczy. Ale że co?! Systema satelitarnégò nalòzaniò, nė. Bùckù të. Tėli lat ce w szkòle uczėlė pò janielskù, a jesz sã głupie pitòsz!?! Pò hamerikańskù je napisónė, bò to jich rząd płacy za ne 31 satelitów, co lòtają òdną-donąd midzė miesądzã a zemiã. A mė dzãka temù mòzemė chùtkò sã doznac, dze jesmė. Knypsóm i wiém, że... w Chwaszczėnie, doma, na lózkù. Razã ze mnã wiė ò tim całi swiat, a w całoscė amerikańsczė wòjskò, co pewno dulczy, żebė leno czasã co złégò na jich prezydenta nie plestnac. Jo, jo. Bò to nie je pòl-szi prezydent...

Bò Amerika je wszãdze. Swòje radarowė ūszėska szpėcėje. Antenė sã grzeją, kò wszėtczė kòmòrkowė rozmòwė jidã colemało bez ŪSA. Prawie jeden Dżon na Alasce czėje, jak pòd Bòrowã Wãdczėnò diktėje chłopòwi listã do kùpianiò:

– Chlebė sztėrė. Leno bez makù pòsėpónėgò, nòlepi rzniãtė, taczė letkò spiekłė. Z biedronczci.

– What's „badronka”? – pitò zòłniierz drėdzėgò, co mò nasłuch na Kaszėbskã Zjòdnòtã.

– Meal or something... Better listen to this:

– Nasze czòrno-zòłtė je ò dzėl zòłcėszė i czòrniėszė òd czòrno-zòłtėgò Kaszėbskò-Pòmòrsczėgò Zjedzeniò! I grif je grifniėszci!

Dzes bėnė amerikańsczėgò kòntineńtu codzėnno zléwają sã pòmãk kaszėbszczė, kòmòrkowė gòdczi: „Jo! Piãtnòsce. Na wieczy wiekòw. Aha. Pól fùnta mączci, kilo cėkru. Smiećė przebierac, jesz co?! Tónk je w Irlandii na robòtach. Myhym. A ta jegò so jednėgò czòrnėgò nalazła. To dzeckò tėż czòrnė. Taczė fejnė, krãconė klėszczci. Jo. Arab czė jiny rap. Jidã, jidã na pielgrzimkã. A wezkòj, spròbujė tim wizirã. Sėlóm kùska dlò mėgò dzewùska. Czedė mògã przinć? A czedė nie mdze kòl ce nikògò doma? Ti barani we Warszawie sobie próg zamrozėlė. Jak, jaczi próg? Żebė wiãcy na bòrg brac. Taczi próg. Gòdajã cė – prosto leżimė...”

A jò leżã i nie leżã, bò jem sã kùreszce wėkraglòł bűten. I rėgnãł na wanogã nowã. Z familiã. Z dzipiesã prawie, co jem gò so na tã leżnosć sprawił. Wklepòł mù, dze mò sã czero-wac. I dali sã nick nie czerėjã. Gòdò do mie białka-dzi-pi-es-ka. A ròznė mò te swòje kòmėndė. I nie wiedno na temat. Kò jak

w żėcym... Jadã z familiã prostã drogã a ta mie „skrãcė w lewò”, gòdò. A tuwò ani dròzczci, ani stegnė nawetk. A jesz las do tegò. Wejle, jinò, żėwò gps-ka stoi przė drodze! Nie wzėróm, bò mòja białka mie na niã taczi antispamòwi filter załòza. Terò, jak kòmŪnia nama zalegalizėje ne prostė i krzėwė-tuczci, òne biėdnė wierã z kasoma fiskalnyma bãdã stojã... Ale za to pa-ragòn klieńt dostónie. I wėpi-sónė mdze, co i jak, i kùli za kùli. Mòze co spùszczã z prizu przė tim? Jaczi rabat dadzã? Abò chòc arbatã z rabatã? Nė, chòc co do pòpicò. Tec samė jagòdė to je kãsk za mało...

Na szczescė mòjnò pilėje, cobė człowiek prosto wzėròł. Tam, dze trzeba. Niė jak ti bòrowicė òd prezydenta Pòl-szci, czej ten bėł z wizytacjã na

Bò Amerika
je wszãdze.
Swòje radarowė
ūszėska szpėcėje.



Ūkrajinie... Dòlėbóg! Czėstė jaja z bòrowikoma. Chcemė prosto rzec: takò prezydėncckò prãznica.

Jedzemė, jedzemė. „Ópasuj, fòtoradar”. I je. „Za 600 mėtrów zjedzė w lewò”. I zjėdzdzóm. Miasto Łódz i miastowò tropa. Stojã wszėtcė. Na pasu z białci stronė mrėczci czėstocenkò ze stolėm-nym chłopiszczã bėnė. Jaż dzyw, że tam włòzł. I do te ta czeda na szėji. Że tėż òn so ji nie przėdeptnie, czej gazu dodò...

Stojimė. Wszėtcė stojã. Trãbiã. A hėc niemòzėbnò. Trzė gùbė na blėsy. Tata, nie nerwuj sã. Dzi-pi gòdò: „dòj so pòkù, zazij tobaczi”. Zaziwóm. Pò mòji stronie za szibã familia mòdła „2+3+scyrz”. Psėskò, diszãcė, mò jãzėk wėwiėszonė. Z tėtu widzã w zdrzadėlkù przelãklã białkã, co ji tampėta spliwò w dekòłt. Klasyczny kòła czeru chwit „za dzesãc drėgò” i sztiwny kark. Z przòdkù szczãkrów trzech równo cziwie sã w ritm nowėgò dokazu Werònczi.

Dze sã wekwizrė a dze, do zwierzã gromistėgò, je Gduńsk?! Tegò dzi-pi-maszinka nie gòdò. A dobrã gòdzėnã ju sã krãcymė. Pòmãtu kuńczã sã rizowė wafle. A znaczy przė drodze... nick nie znaczą. Rėszėfo. HAAAAAmùj! Co za wrėk sã pchò! Stoooo-jė! Robòtė drogòwė. Nė jo. Prawie, czej nòwiãcy lėdzy jedze.

„Jedzesz dobrã drogã”. Jo? Nė, tej jadã. Pól gòdzėnė. Gòdzėna. Miłi głòs mòji autòłowi dzipieszci: „Żelė mòzesz, zawrócė”.

Za rutã „Wrocłòw – tãdka”.

W radio lecy „Nigdė nie wierzė białce. Dobrã radã cė dóm”...